

TILLAA TƏMLƏ

Kətulət

Tillaa Təmle takəlaya wenna isu salav wei i kaxa Laapaalənaa na Pəli-wə pa kəhmanmaasi hekə taa tə. Ka taa ké pa keesəyi-tuyv isəna Yesu Kilisiti Isə seela caala Yuta nyəma taa na piitimnaa taa tə.

Yuta nyuyv nyəma na Lom nyəma pa tv kancaalaya Isə seela ke wahala ke səsəm. Pəli ka ké wahala tulaa mpe pa taa ləlv wei Isə layasa tampana layasuyv tə si í kraali Laapaali Kupaŋ ke piitimnaa ləlaa. Takəlaya ŋke ka keesa-tv tətəyə Pəli cəənav ke Laapaali Kupaŋ ke tetv taa.

Isəna pa faɣa Tillaa Təmle takəlaya tə:

Feesuyu Nanjtv tanjuyv, titite 1

Aseeta nyəma ke Yosalem taa, titite 2–7

Aseeta nyəma ke Yuta na Samalii taa, titite 8–12

Pəli təmlə, titite 13–28

Feesuyu Nanjtv ka tii tillaa səsaa tə

¹ Ma yulv Teufili, ma takəlaya kancaalaya nyəŋka taa ma keesa mpi mpi Yesu caala lapv tə, na nti nti i seyesa pə krayav kancaalaya, ² na pə suna kuyanku i kra isə tə. Na pəcə Yesu kra isə tə, i ka heelina Feesuyu Nanjtv ton ke mpi i caa si yəlaa mpa i ləsaa si i tillaa tə pá la tə. ³ Yesu səm waali i lukaya i tillaa tə, na í húləyənə-weyə yaasinaa payalə taa si i fema. Halı kuyeyə nule taa təcu ké Yesu lukaya i tillaa tə na í lakı-weyə Isə Kawulaya waasv. ⁴ Mprúyú kuyaku nakvli Yesu na i tillaa pa caɣaa na pá təŋna təyəv. Tənaɣa i heela-wə si: I taa hatələna Yosalem. Ama í

keŋna mpi Taca ka tōma si i ká ha tō, kuvəəv ŋku kv tōm ma a heela-me tō. ⁵ Mpi pə tō tō, lvm mayamaya ke Yoħaanı naa sōna yəlaa ke İso lvm. Ama ye me ile, pu la wee naale tō Feesuyu Nanŋtu mayamaya ke paa keli na pá sə-me.

Yesu kra iso

⁶ Mpróyú Yesu na mpa paa kota mpv tō pa pəəsa-i si: Taca, ye mpv pəneyele n ká tayanı İseyeli kawulaya ŋkeye kusuyu na?

⁷ Tənaɣa Yesu cə i na mpa paa kota mpv tō si: Pə taya si mu nyəna kuyeyɛŋ yaa waatunaa mpa Taca mayamaya suna i toŋ tō se. ⁸ Ama kuyanŋku İso Feesuyu Nanŋtu ka tii mə tō tō, í ká hiki toma na í hólí pə təna mpi í nana mə isəpee tō pə tampana ke Yosalem, na Yuta, na Samalii pə tetvnaa təna taa. Haləna pə polo pə tala antulinya tənasi təna təpai.

⁹ Yesu tema mpróyú yəɣətuyv, ilena pə kraasi-i iso na pá nyənəɣi-i mpv. Haləna pulvpu isu ŋmuntuyv kəə pə takı i tō, pa ta tasa-i nav.

¹⁰ Yesu kra iso na i tillaa wee na pá təŋna nyənuyv təpiŋ ke mpv, ile pa tuta apalaa naaleye pa cəlyəle na pá suu wontu kəhəlvmtv. ¹¹ Na apalaa mpe pá pəəsi tillaa si: Kalilee nyəma me, pepe tō ké í səŋaa na í nyənəɣi iso ké mpv? Yesu wei pə ləsa mə hekv na pə kraasi-i iso ké isəntə tō, i ká te na í məli mpróyú teitei isu í na-i na í kraaki isəntə tō.

Matiyası məla Yutaası lonte

¹² Mpróyú tillaa kula tuŋ wei pa yaa si Olifinaa tō i puyv ŋku kv kiŋ paa wee tō na pá məli Yosalem. Puyv ŋku na Yosalem pə fei pooluŋ. Pə ta kəli kiloməetəli kvlm. ¹³ Pa talaa, ilena pá kra pa isətaa kutuluyv

ηku ku taa paa suokaya tō. Mpa pa suokaya tēna təyōle Piyee, na Yohaani, na Saaki, na Antəli, na Filipu, na Tomaa, na Paatelemii, na Matiyee, na Aləfe pəyalu Saaki, na Simōη wei i kē mpa pa ləkaya si pa mvyi pa tetv tō pa taa ləlv tō, na Saaki pəyalu Yuti. ¹⁴ Pa tēna pa kotaya təntəmle ke tam na pá sələməyi Iso. Pa taa ka we alaa napəli, na Yesu too, na Yesu newaa.

¹⁵ Kuyeeη inu i taa, kuyaku nakvli yəlaa kotaa, hali pa tala isu yulonyōη nunowa na hiu (120). Uena Piyee kvli na i səη i taapalaa mpe pa heku na i tō si: ¹⁶ Ma taapalaa me, tōm nti Iso Feesuyu Naηηtu ka tu Tafiti nəyō taa na i yōtōti, na tē we Iso Tōm takəlaya taa kē Yutaasi wei i tee Yesu kpalaa ke nəyō tō i tōm tō, pə wee kē si tu la. ¹⁷ Yutaasi inu i ka kē ta taa ləlv, na tá na-i tu kpenta təmle tēne tē taa.

¹⁸ Apalu inu, waatu wei i tēma tetv yapu na i tulum liyitee anu tō, i polaa na i hoti tē taa kē i nəyō tō, na i lotu tvli, na i taa lotu ya na tē ηmaa. ¹⁹ Tōm tēne tē yeka Yosalem nyóma tēna kin, haləna pá ha tetv ntəyi hətē na pa te taa si: Akeletama. Caləm tetv ke pa yaa mpv na pa te taa. ²⁰ Pa ηmaa Yontu takəlaya taa si:

I təyaya i təkí kaav.

Nəyōlv i taa kusí-ke.

Na lentí tōtō si:

Nəyōlv i lēeti i lonte.

²¹⁻²² Ye mpv pə wee si mpa pa təηaya-tuyv waatu wei tá na Tacaa Yesu tē cōkaya tetvnaa tō, pa taa nəyōlv i sōosi tá tō, na tá na-i tē hólí Tacaa Yesu səpv na i fe tō pə tampana. Puntv inu i ká wee wei kuyeeη tēna i ka we tá waali kē pə kpaγav Yohaani sōv Yesu ke Iso lvm tō, haləna kuyanηku pə ləsa-i tá heku na pə kpaasi-i iso tō.

²³ M̄p̄óyú pa læsa yəlaa naale, Yosəəfu wei pa yaa si Paasapası na pá cuyusi-ı si Yutusi tə, na Matiyası. ²⁴ İlena pá sələmi si: Taca, nyá nyəmna yəlaa lo-tunaa, hólí-tuyv yəlaa pane pa naale pa taa wei n læsaa si í la tillu, ²⁵ na í paasəna təmlə nte Yutaası yelaa na í tē ı nyəŋku tə.

²⁶ Tənaɣa pa tə tətə na pə kpa Matiyası, na í səsı tillaa naanəwa na kuləm inı ı təə.

2

Feesuyu Nanjtu tiu

¹ M̄p̄óyú pə tala Pentakənta acima wule, ilena İso səelaa koti pa tənaɣa təntəmlə. ² Pə tasaa ıle, kəkəte natəli, isu heelim səsəəm makuyv tə, luna isətaa kele, na tə nyaləna təyaya ŋka ka taa paə we mpu tə. ³ M̄p̄óyú pulvpuɗaa lu pa təə na pə nəɣəsəna isu kəkə nsəma. İlena pulvpuɗaa mpe pá ya na pá caɣa paə wei ı təə ké kuləm kuləm. ⁴ Tənaɣa Feesuyu Nanjtu haɣa pa təna pa taa təmammam, na pá suv piitim lempı təm yəɣətuyv, na nti Feesuyu tv pa taa tə ntəyi pa yəɣətaya.

⁵ Pə pamna mpa pa təŋəyi İso mpaav ke teu tə pa luna antulinya təna taa na pá we Yosalem ke waatv inı. ⁶ Yəlaa mpe pa nu kəkəte n̄tə tə taŋ, ilena pá koti səsəm. M̄p̄óyú pə lapa-weyə ha, pə taɣa pulv, paə wei ı nukaya İso səelaa yəɣətəɣəna ı tē taa. ⁷ Tənaɣa pa kpa nəəsı na pə la-weyə piti, na pá tə si: Isu Kalilee nyəma tike yəɣətəɣəna isəntə. ⁸ İle pə lapa isəna na paə tá taa wei í nukı pa yəɣətəɣəna ı tē taa? ⁹ Anı tá taa cəne mpa pa luna Paatı tətə tə pa wəe, Metii na İlam pə nyəma ná wəe, Mesopotami nyəma ná wəe, na Yuta na Kapatəsı pə nyəma, na Pəŋ nyəma

na Asii tetu nyóma, ¹⁰ Filicii na Pamfili pə nyóma, na Icipiti nyóma na Silεeni cələ Lipii tetu həyələyυ ləηkυ nyóma, na pə kaasa lelaa mpa pa luna Lom tə. ¹¹ Yuta nyóma siyisiyi wεε, na pə kaasi mpa pa suυ Yuta nyóma Isəsele ke kusυυ tə, na Kələeti nyóma na Alapυ nyóma. Paa na mpu pa tu keesəyi Isə təma səsəna təm na tá təmnaa waani waani taa, na tə nukı tá təna.

¹² Pə təmsa pa təna, pa ta nyı nti paa yəyətı tə. İlena pá pəsəyi təma si, təm tənε ntiyile mpu? ¹³ Ama lelaa ná wəηa-wε, na pá tə si suləm pına-wε.

Piyεε waasu

¹⁴ Tənaγa Piyεε na tillaa lelaa naanυwa na kuləm inı pa kulaa na pá səη isə. İlena Piyεε yəyətəna samaa na nəyə səsaya si: Ma Yuta nyóma me, na mpa me mə kəma Yosalem ke kəkəm tə, í tυ ηkraηη na í cekəna teu ke nti ma heeliyi-me tə. ¹⁵ Pə taya suləm kuyuna yəlaa pane inı isu í huυki tə. Pə taya pulυ tə, pə kəla tanaη. ¹⁶ Ama nti Isə kuyəyətutυ teləsulυ Sowεeli ka yəyətəa tə, nti tə mayamaγa tə lakəna saηa.

¹⁷ Isə yəyətəa si:

Nti maa la kuyεεη kantəkaya nyəη taa təyələ.

Maa tisi ma Feesuγu ke yəlaa təna tə.

Mə pəyalaa na mə pεelaa ká na nti

tu la cele tə na pá yəyətı.

Pu hólı mə ifepiya ke təmnaa na pá nana pa isəpee.

Na mə kəkpatələa ká toosi toosee.

¹⁸ Tampana tə, maa tisi ma Feesuγu ke ma təmle nyóma,

apalaa na alaa nyóma, pa tə kέ kuyεεη inı ı taa.

Paa ná nti tu la cele tə na pá yəyətı-tı.

¹⁹ Maa la kəkələ nyəmnaa ke hatoo isətənyυ taa,

na piti təma ke ate.

Caləm na kəkə na nyəəsı səsəənsı ká nyala.

²⁰ Ilim ká sı təkpitii.

Isətv ká see isu caləm.

Pə təna pu la mpv na pécó pé tala

Tacaa kuyaku səsəəŋku teeli nyəŋku ŋku.

²¹ Pé na pə mpv tə yəlaa təna mpa

paa yaa Tacaa hətə tə paa tulı-tı.

²² Iseyeli nyəma me, í nu nti ma heeliyi-me tə.

Nasaleti Yesu ké yulv wei ı səsəəntv Isə hólá-me təyə.

Pə taɣa pulv, Yesu niŋ ke Isə lapəna piti təma na

səyəntv təma na Isə kəkələ nyəmnəa mpa ı hólá mə

hekvtə tə. Isu mə mayamaya í nyəm pə təna tə. ²³ Na

yulv inəyi Isə kpayaa na í cəle-me isu ı ka huv ı taa na

ı tv pə pəle sı ı ká la tə. Ama mə kv-ı, mə yelina na

yəlaa asayaa kamı-ı səm tesika tə. ²⁴ Ama Isə yəka

səm toma na í feesi-ı. Pə taɣa pulv, pə feı sı səm í lapı-ı

pulv cəcəka. ²⁵ Tampana, Tafiiti yəyətə Yesu inı ı təm

ke mpv sı:

Ma naakaya Tacaa ke tam ké ma cəlyə.

ı ka səŋa ma waalı ké sı má taa selina pulv.

²⁶ Pə təə ké ma laakalı caya təntəmle ke teu,

na laŋheele kuyv-m ma yəyətaya taa.

Paa ma ké yulv na maa sı tə,

ma cayana teelvıv.

²⁷ Pə taɣa pulv təə,

Isə nyá n kaa lə-m yem ké atətəle taa.

N kaa yelev sı nyá yulv má má tu səŋ

paa pəcə mayamaya.

²⁸ N hula-m weesuyv mpaŋ.

N ká wee ma kiŋ na í hvləsəyi ma laŋle ke teu.

²⁹ Apalaa me, í yelev má tuləsi-meɣe tá ləŋce Tafiiti

təm təcıceı sı, ı səpa na pá pimi-ı, na ı pəlaav we

tá heku ke haləna saŋa. ³⁰ Tafiiti inu i ka ké Iso kuyəɣətutu teləsulu ké na í nyəmə́ teu si, Iso ka təma nti na tuunav si i ká lapı-i tə pu la. Səsi Tafiiti ləlyu taa tu nəɣəlv ká təɣəna kawulaya ŋka Tafiiti inu i ka təɣaa tə. ³¹ Hatoo ləŋ Tafiiti nawa mpi pu te na pə́ la tə. Pə́ tə́ ké i yəɣəta Mesii səpu na í fe tə pə́ təm si: Pa ta lə-i yem ké atətəle taa.

I ta tu səŋ paa pəcə mayamaya.

³² Yesu wei inu i təm ma yəɣətəyi isəntə tə, Iso feesa-i, na tá təna tə nana tá isəpee təkəlekele. ³³ Iso kusa i nyuyu na í cayası-i i kəŋkəŋ taa. Ilena í kpaɣa Feesuyu Naŋŋtu, wei i ka təma si i ká ha tə, na í cəle-i. Na Feesuyu Naŋŋtu inəyi Yesu tisa tá təna tá tə́, na í təŋna nav na nuw ke isəntə. ³⁴ Pə́ taya isu Tafiiti mayamaya ná kpa isə se. Ama paa na mpv i yəɣətaa si:

Tacaa Iso heela ma Səsə si:

Caya ma kəŋkəŋ taa.

³⁵ Haləna má kəna nyá kolontunaa,

na í loosi nyá nəəhəe ke pa tə́.

³⁶ Pə́ wəe si Iseyeli yəlaa təna ká nyi teu təkpaataa si, Yesu wei í kama səm tesika tə́ tə, inəyi Iso lapa Səsə na Mesii.

³⁷ Iseyeli nyəma nu təm tənə lena pa laŋa pəsi səsəm, na pá pə́si Piyee na tillaa lelāa si: Ta taapalaa mē, isənaya pə́ wəe si tə́ la ilē?

³⁸ Tənaɣa Piyee cə-wə si: I lə mə isayatu na í layası huwəe, na pá yaa Yesu Kilisiti hətə na pá səna paa mə taa wei ké Iso lvm, na pə́ husi mə isayatu. Ilena í hiki Iso kvcəvv səsəvv ŋku kv ké Feesuyu Naŋŋtu tə.

³⁹ Pə́ taya pulv tə́, mə na mə piya na hatəlaya nyəma ke Iso təma si i ká ha, í tu laalaa na í yaa wei te, ilé i hikaa ké.

⁴⁰ Μρύγύ Piyee tasa Iseyeli nyóma ke təm payale ke heeluyu tətə, nti tu səna-we na tə səəsi-weye apalutu tə. Səsi, í læsi mə təyi yəlaa letaa pane pa taa na í tuliti.

⁴¹ Μρύγύ Iseyeli nyóma taa yəlaa tuutuuma mu Piyee təm na pá sə-weye Iso lum. Kuyanku, mpa pa suv Iso seev tə, pa nyəəη tala isu iyisi tooso (3000).

⁴² Pa isəle ka seena tillaa kuseyesətu ke nuu, na pa təηaya təma na laηhulumle ke səsəm. Pa təkaya təntəmle ke tam, na pá puki Iso sələmuyv pu səə nəγəlv.

Iso seelaa cakəle

⁴³ Tillaa lakaya piti təma na Iso kəkəlv nyəmnaa, na pá kraa paa wei ké səγəntv. ⁴⁴ Iso seelaa təna ka wəna nəγə kulumaya, na pa krentaya mpi mpi pa wəna tə. ⁴⁵ Pa pəetaya pa tetvnaa na pa wontunaa na pá kotiyi pə liyitee ke təntəmle, na pá caala pa taa wei pa waasəna-i. ⁴⁶ Pa təna paa kotaya paa ifemle nteye Iso təseele ke Iso sələmuyv pu səə yulv. Ye pa saa-weye pa teesi taa, təntəmle ke pa kotiyi na pá təkí. Laηhulumle ke pa təkayana pa təγənasí, na pa taa hetəna təma. ⁴⁷ Na pá saη Iso, na yəlaa təna laηa heena-we. Paa kuyanku Tacaa səəsaya pa kpekəle təə ké mpa mpa pa nyəəη pə yapa tə.

3

Kaakalaya hika nəəhe

¹ Μρύγύ kuyaku nakuli Piyee na Yohaani pa pukaya Iso təseele ke ilim kpiluyv sələmuyv. ² Apalv nəγəlvuyv pa luləna kaakalətv, na pá pukina-i na pá suki Iso təseele səəsəle nənəγə ηka pa yaa sí Caηəm Nənəγə təγə paa kuyaku ηku sí í sələməyi Iso təseele taa surlaa

ke liyitee. ³ I nawa Piyee na Yohaani pa suuki Iso taseele taa, ilena í sələmi-we si pá ha-i pulu. ⁴ M'púyú Piyee na Yohaani pa nyəna-i təpini. Ilena Piyee tami-i si: Paasəna cəne.

⁵ Tənaɣa kaakalaya paasəna-weɣe teu, na ka tɛelayaa si paa ha-keɣe pulu. ⁶ M'púyú Piyee toma-ke si: Ma feina liyitee si maa ha-η. Ama maa ha-η mpi ma wena tɔ. Na Nasaleti Yesu Kilisiti toŋ taa kuɓi na n̄ tɔ.

⁷ Ilena Piyee siisi na í tɔki kaakalaya na niŋ ntəɣəŋ, na í kuɓi. Tənaɣa kaakalaya nɔɔhɛɛ na ka nɔɔcɔwasi kra toŋ ke kra kraa. ⁸ M'púyú ka kulaa təhapa na ká tií ka nɔɔhɛɛ tɔɔ, na ká səŋ təye na ká niki tɔntɛ, na ká na tillaa səsaa pá krenti na pá suu Iso taseele taa. Na ká toŋ na ká ŋmaaləɣi na ká saŋ Iso. ⁹ Samaa təna ná ka tɔntɛ na ka Iso sam. ¹⁰ Pa kɔma na pá cəkəna si ŋke ka cakayana Iso taseele Caŋəm Nɔnəɣo kiŋ na ká sələməɣi liyitee, ilena sɔɣəntu na piti la-we na isəna ka hika nɔɔhɛɛ tɔ.

Piyee waasu ke Iso taseele taa

¹¹ M'púyú kaakalaya ŋke ka nyəna Piyee na Yohaani ke tam. M'púyú piti kra samaa ke səsəm, ilena pá watu Piyee we pa tɔɔ ké sakaya səsəɣa ŋka pa yaakaya si Saluməŋ sakaya tɔ ka tɛɛ. ¹² Piyee ná mpɔ, ilena í tɔ samaa si: Iseyeli yəlaa me, pepe tɔɔ ké apalu inɛ i kuluyu tɔ pə ceki mə laŋa? Na pepe tɔɔ ké í nyənəɣi-tu isu tá mayamaɣa tá toŋ yaa tá Isəsele teu napəli pə yelina na apalu inɛ í toŋ? ¹³ Apələham na Isaaka na Yakəpu pa Iso, wei i ké ta caanaa caanaa Iso tɔ, i kuɓa i təmle tu Yesu nyuyɔ. Ama me mə tu-i toŋtɔnaa niŋ taa. Pəle pə waali Pilati luyu lapa si i yeki-i tɔ, mə tayanna kisuyu. ¹⁴ I kisa yulu kɔpaŋ

tampana təŋlv inı, na ısayav kpitikpiti ké í səɔlaa na í sələmi Pilatı sı í tvlı-meɣe ílé. ¹⁵ Ḿpúyú pə lapa na í yele na pá kv weesuyu halv. Ama Iso ná feesa-ı na tə nana tá ı səpee. ¹⁶ Yesu inı ı maɣamaɣa ı toŋ taa na táá təmnav ke-ı yelina apalv inε ı kulaa. I nyəma-ı na inı ı səŋna mə ı sentaa ı səntə. Táá təmnav ke Yesu yelina apalv inε ı wena ı ti təmmam na mə təna í naaki mpv.

¹⁷ Təv, ma nyəma me, ma nyəmə teu sı mə na mə səsaa í taa cekəna təɣə í lapa Yesu inəɣı mpv. ¹⁸ İle təm nti Iso yelaa na Iso kvɣəɣətvtv teləsəlaa təna kpaalı hatoo ləŋ taa, sı ı Mesii ká təɣə kvnyəŋ tə, nti inı tə maɣamaɣa ke ı yelaa na tə lá. ¹⁹ Pə təv tə, í lə mə ısayav na í layası hvwee, na í pəsəna Iso təv. İlena ílé í tayanı mə təwakəllena. ²⁰ İle Tacaa ká ha-meɣe kvyeŋ wei ı taa pu waası-me tə, na í kəna Mesii wei ı ka ləsa hatoo ləŋ na í sı-me tə. Mesii inəɣəle Yesu. ²¹ Ama pə wee ké sı Yesu Kilisiti í caya ıətəaa, haləna pə tala waatv wei paa tayanı pə tənaya kvfam pəsuyv, ısu Iso ka təm yeluyv ke hatoo ləŋ na ı kvɣəɣətvtv teləsəlaa kvpama yəɣətı tə. ²² Halı Moisi maɣamaɣa ná yəɣətə ı təm ke mpv sı: Tacaa mə Iso ká kəna-meɣe Iso kvɣəɣətvtv teləsəlv nəɣəlv wei ı we ısu má, na ı ká wee mə maɣamaɣa mə piitim tv, na í ká təŋ tə təna nti ı ká heeli-me tə. ²³ Ye wei ı ta nuna Iso kvɣəɣətvtv teləsəlv inı, paa ləsi pəntv ke Iso yəlaa taa na pá kv-ı. ²⁴ Iso kvɣəɣətvtv teləsəlaa mpa pa təna pa yəɣətə pə kpaɣav Samiyeli na ı waalı nyəma pa looŋa ŋke ka tənaya mpv tə, pa yəɣətə kvyeŋ inε inı ı təm. ²⁵ Mpi Iso ka təma sı ı ká ha na Iso kvɣəɣətvtv teləsəlaa ŋmaa pə təm tə, meɣe ı təma sı ı ká la. Halı mə təm ke Iso ka yəɣətə saa wei í na mə caanaa caanaa paa sı təmaya

nəəsi tə. Waatv inəyi Iso təma Apələham si: Nyá piya təo ké maa la atə yəlaa tənaya kúpantv. ²⁶ Pə təo ké Iso læsa i təmlə tv tə, mə cəlyəo i laaləna-i kənav. I kəna-məye-i m̄p̄ȳȳ si í la-məye kúpantv, si í layasi-me na paa wei í yele i yaasi isayav.

4

Pa yaa Piyee na Yohaani ke nənəyə

¹ Piyee na Yohaani pa tənna samaa ke yəyətənav ke mpv, ilena kətəlaa na Iso təseele tanlaa nyuyv tv na Satusee nyéma pa tala. ² M̄p̄ȳȳ pə sala-we. Pə taya pulv tillaa səsaa naale ná seyesaya samaa si Yesu fema. Mpv tə sətəa ka tē na pá fe. ³ Tənaya Yuta nyéma kra-we na pá tək-i-weye saləka, si pə fema ilə paa cəkəna. Pə taya pulv, saa inu tə pu tēma taanuyv. ⁴ Paa na mpv mpa pa nuwa Piyee faaci tə, pa payale mōwa. Haləna mvlāa mpe pa taa apalaa tapə isu iyisi kakpası (5000) ke mpv.

⁵ Təv fema, ilena Yuta nyéma səsaa na nyuyv nyéma na Iso Təm seyesəlaa səsaa, pa koti Yosalem. ⁶ Pə kraγav isu kətvlə səsə Ana, na Kayifi, na Yohaani, na Alekəsantəli-weye mpv na kətvlə səsə luluyv nyéma tēna. ⁷ Ilena pá læsi tillaa səsaa na pá kəna-weye pa hekv taa, na pá pəəsi-we si: Mpi inu í lapə isəntə tə, awe heela-me si í la mpv? Na awe ton taa ké i tu lapəna mpv?

⁸ Tənaya Feesuyv Nanjtv ton kuləna Piyee na í tə-we si: Təv, tetv səsaa na nyuyv nyéma me, ⁹ saŋa pa pəəsəyi-tuyv kúpantv nti tə lapə kaakalaya tə tə təm, na isəna tə lapə na ká kulə tə. ¹⁰ Ilə pə wee si í nyi təm ntəyi mə tēna. Iseyeli yəlaa tēna í nyi-ti tətə si, Nasaləti Yesu Kilisiti wei í kama səm tesika təo na Iso

feesi-ı tō, ı toŋ taa ké yulb me ı hika ı ti na í naa-ı mō
hekv taa ké isəntō. ¹¹ Na Yesu inı ı tōm ke pa ηmaaawa
Isō Tōm taa sı:

Nmalaa me, í ka lōwa pəle nte tō,
ńté tō pəsəna nteye kite tee pəle səsəle.

¹² ı tike təkōŋ ı yakəna yəlaa nyōŋ. Pə taɣa pulb, hətə
təne tō paasi, lentə fei antulinya təna taa nte Isō hula
yəlaa sı tó yaa-te na pə ya tá nyōŋ tō.

¹³ Μρόγύ kotuyu səsaa mpe pa nawa isəna Piyee na
Yohaani pa yōɣətəna apalvō tō, ilena piti kpa-weye
səsəm. Pə taɣa pulb, pa maɣamaya pa nyəmá sı Piyee
na Yohaani pa ké yəlaa ke yem ké, pa ta la ceu nəɣōlv.
Iləna pá təsı sı paa ké Yesu təŋlaa. ¹⁴ Pécó yulb wei
ı ka hika ı ti tō, ı səŋa pa isəntaa təna. ıle pa ta nyı
nti paa yōɣoti tō. ¹⁵ Iləna kotuyu səsaa tō Piyee na
Yohaani sı pá lu təhvule taa. Pə kaasa mpe iləna pa
niki tō saawala. ¹⁶ Sı: Isənaya tii lana yəlaa pane inı?
Pə taɣa pulb, Yosalem yəlaa təna tēma nyəm sı mpe
pa lapəna piti təmle səsəle təne, pécó pə fei tu kpəesi.
¹⁷ ıle tii kisina-weye təpvlōpvlō sı ye pa tasa nəɣōlvu
Yesu hətə təne tō tōm heeluyı paa na. Pə taa kōō na
tə tōm səsı yav ke yəlaa taa.

¹⁸ Μρόγύ kotuyu səsaa yaa Piyee-we, na pá kisina-
we təpvlōpvlō sı pá taa tasa Yesu hətə ńté tō tōm
yōɣōtvu yaa seɣesvıv ke paa fəŋ maɣamaya.

¹⁹ Μρόγύ Piyee na Yohaani pa cō kotuyu səsaa mpe
sı: Mə maɣamaya í maɣası-təɣı mə taa na í na. Pepe
kəla teu ke Isō isəntaa? Meye tə se yaa Isō? ²⁰ Ama nti
nti tá nuwa na tə nana ta ise tō, ta kaa pəsi na tó su tō
yōɣōtvu.

²¹ Μρόγύ Kotuyu səsaa mpe pa ta nyı isəna mpi paa
la Piyee-we tō. Iləna pá tasa-weye kpaalvıv ke teu na

πά yele-wε. Pa ta hiki mpi pə təə paa hə pa ηkpaηyυv tə. Mpi pə təə tə, yəlaa təna saηaya Iso ké pə təna mpi pə lapa mpυ tə pə təə ké. ²² Apalυ wei inι piti təmle lapa na í hiki alaafəya ke mpυ tə, ι lυlyυv pusi ka kəla nule.

Iso σεελαα sələmvυv

²³ Kotυyυ səsaa yela Piyεε na Yohaani ilena pá tεε kpakpaa ke pa taapalaa kin, na pá keesi-wεyε tə təna nti kətəlaa səsaa na nyυyυ nyəma pa yəyəttaa tə. ²⁴ Πελε pa nu-təyι mpυ, ilena pa təna pá sələmi Iso si: Hai, Tacaa, nyá lapəna isəttaa na ate na tenku na pə təna mpi pə wε pə taa tə. ²⁵ Nyá yelina na Feesuyυ Naηηtv tv nyá təmle tv ta ləηce Tafiiti nəyə taa ké təm na í yəyətι si:

Pepe təə ké piitimnaa coka pə taa na kalampaani ké mpυ?

Pepe təə ké yəlaa ná paasəna nəəhεε tεε kuuu ke yem ké mpυ?

²⁶ Ate awulaa səsaa kela təəη.

Tεtv təkəlaa ná pεela nəyə na pá kulι Tacaa na ι Mesii pa təə.

²⁷ Tampana təə, Heləti, na Pəηsi Pilati, na mvυlaa, na lseyeli piitim nyəma pa pεela nəyə ke nyá təmle tv naηη tv, wei n ləsaa si í la Mesii tə, ι təə ké icate təne tə taa. ²⁸ Mpi tuu ləη nyá toma taa n nəkaa na η mayasi na η si tə, pə mayamaya ke pa lapa təkεle.

²⁹ Tacaa, pənente nyəni kpaalυv mpi pa kpaala-tv na isəle kuseεmle tə, na η yele na nyá təmle nyəma tá tə heeli nyá təm na tu nyaηna pυlyυv paa pəcə. ³⁰ Tv nyá niη na kutəntvnaa hikiyι alaafəya, na η yele na yəlaa naaki nyá kəkələ nyəm na nyá piti təma ke nyá təmle tv naηηtv Yesu tvη taa.

³¹ Tillaa tɛma sɛləmɔyɔ, ɪlɛna lɔntɛ nɛtɛ tɛ taa paa kotaa tɔ tɔ sele. M̄p̄ɔȳɔ Feesuɔyɔ Naŋŋtu tɔŋ kulɔna pa tɛna. ɪlɛna p̄a sɔv ɪsɔ Tɔm heeluɔyɔ na paa nyanŋna pɔlv.

ɪsɔ sɛɛlaa taləyɔ pa tənaya pa wɛnav

³² ɪsɔ sɛɛlaa kɛkɛlə tɛna ka kaa lotu na lɔmayasələ kulɔmtələ kɛ tɛkpataa. Pa taa nɔyɔlv taa fayasəyɔ na ɪ nyənəyɔ ɪ kɔwɛnam ɪsu ɪ tɪkɛ ɪ nyəm. Ama pa nyənaya pɛ tɛna mpi paa wɛna tɔyɔ ɪsu pa tɛna pa nyəm. ³³ Tillaa kɛɛsaya Taca Yesu fem tɔm na apalɔtv kɛ, na ɪsɔ k̄a wɛ pa tɛna pa waali kɛ teu. ³⁴ Pa taa nɔyɔlv taa laŋ pɔlv. Pɛ taya pɔlv tɔɔ, mpa paa wɛna tɛtɔnaa yaa tɛɛsɪ tɔ pa pɛɛtaya kɛ na p̄a kɔŋna pɛ liyitee, ³⁵ na p̄a cɛləyɔ tillaa. Ye pɛ caala wei pa waasəna-ɪ.

³⁶⁻³⁷ Mpu ɪnɪ pɛ yelina Lefi tv nɔyɔlv, wei pa yaakaya sɪ Yosɛfɔv na p̄a lɔla-ɪ Sipili tɔ, ɪ pɛɛta ɪ tɛtv natəlɪ na ɪ mɛŋna pɛ liyitee na ɪ cɛla tillaa. ɪnəyɔ tillaa ka cuɔusaa sɪ Paanapasɪ. (Apalɔtv halv kɛ pa yaa mpv na pa tɛ taa.)

5

Ananiyasɪ na ɪ alv Safila pa tɛm

¹ M̄p̄ɔȳɔ apalv nɔyɔlv ɪlɛ, pa yaa-ɪ sɪ Ananiyasɪ, na ɪ alv sɪ Safila. ɪ pɛɛta pa tɛtv natəlɪ na ɪ alv wɛna pɛ nyəm. ² ɪ tɛma pɛɛtvɔyɔ, ɪlɛna ɪ faya liyitee taa na ɪ su. ɪlɛna ɪ pona wɛna a kaasaa tɔ, na ɪ cɛla tillaa na ɪ alv wɛna pɛ tənaya mpv pɛ nyəm. ³ Tənaya Piyɛɛ pɔɔsa-ɪ sɪ: Ananiyasɪ pepɛ tɔɔ kɛ Satanɪ hika-ŋ m̄p̄ɔȳɔ katatəlaya, na ń kaasi nyá təyɔ tɛtv nti n pɛɛtaa tɔ tɔ liyitee, na ń puɔusi Feesuɔyɔ Naŋŋtu?

⁴ N taa pɛɛtəta-ti tɔ, nyá tetu ké mɛɛ. Na n tu tɛma-təɣi pɛɛtuɣu tɔ, awe ti liyitee, pə taya nyá? Uɛ isənaya pə lapa na í paasi na í mayasi nyá taa na í la yaasi isayav inɛ i taka? Isɔ kɛ í puɣusaa pə taya yɔlaa se.

⁵ Ananiyasi nu tɔm tənɛ inɛ, ɪlɛna í hoti na í sɪ. Ḿpúyú pə lapa pa tənɛ mpa pa nu tɔm tənɛ inɛ təɣɔ keniŋa nakəli pə tu fɛi. ⁶ ɪlɛna ifepiya kuli na pá takɪ-i puɣu na pá pona-i pim.

⁷ Pə lapa laasaya isɪ kaləfunaa tooso, ɪlɛ Ananiyasi inɛ i alɔ suɔwayalɛ. Ama i ta nuta nti tɔ tɛma lapu tɔ.

⁸ Ḿpúyú Piyɛɛ pɔɔsa-i sɪ: ɪ pɛɛta mɛ tetu nti tɔ tɔ liyitee tənayalɔ? Heeli-m.

ɪlɛna Ananiyasi alɔ cɔ sɪ: Anəɣalɛ mpu.

⁹ Tənaya Piyɛɛ yɔɣɔta-i sɪ: Isənaya mɛ lapa na í kɛnti na í paasi na í huɔ sɪ í mayasəɣi Tacaɔ Feesuyu Naniŋtu sɪ í naa i waali? Nyəni, mpa pa pima nyá paalɔ tɔ pa tɛma kɔntɛ, mɛɣɛlɛ nɔnəɣɔ tɛɛ. Paa tɛɛsɪ nyaya tɛɛnɔv.

¹⁰ Tənaya Ananiyasi alɔ inɛ i hota Piyɛɛ nɔɔhɛɛ tɛɛ ké kɛkɛpaa na í sɪ. Ifepiya suɔwa, ɪlɛna pá mayana i sɛpa. ɪlɛna pɛlɛ pá kɛɣa-i na pá polo pá pimi-i i paalɔ kɛŋkɛŋ taa. ¹¹ Ḿpúyú tɔm nti tɔ lapa Yesu sɛɛlaa kɛkɛlɛ tənɛ na mpa pa nu-ti tɔ pa tənaya keniŋa nakəli pə fɛina.

Piti tɛma payalɛ tɛŋna lapu

¹² Tillaa lapa Isɔ kɔkɔlɔ nyəm, na piti tɛma payalɛ kɛ yɔlaa hɛkɔ taa. Isɔ sɛɛlaa tənɛ kotaya Salɔmɔŋ sakaya sɔsaya tɛɛ. ¹³ Samaa puɣulaya-wɛɣɛ pə tu fɛi, paa na mpu yulɔ kɛi tɔ kɛ yem nyanayana pa taa suɔv. ¹⁴ Ama apalaa na alaa samaa mpa pa mɔkaya Tacaɔ tɔm na pá sɔsəɣi isɔ sɛɛlaa kɛkɛlɛ tɔ tɔ, pa nyɔɔŋ tɛŋna hukuyɔ kɛ sɔsɔm. ¹⁵ ɪlɛna yɔlaa náá

suv kvtəntvnaa ke lunav, na pá husi-weyε katonaa na nyaaləŋ təə ké harεε nəsı, sı ye Piyεε tεekəna təna, ı ilεemvıyυ mayamaya tu tokina kvtkınav ke pa taa lɛlaa. ¹⁶ Yəlaa samaa lukayana Yosalem cəlv acalεε taa na pá kəŋna kvtkvntvnaa na mpa aləya cəsaya tə, na pa təna pa hikiyi alaafəya.

Tillaa təyə kvnyəŋ

¹⁷ Tənaγa ısəsεmle kpa kvtlv səsə ke səsəm ke tillaa təə, na ı kıŋ cayalaa təna mpa pa ké Satusee kpekəle nyəma tə. Haləna pá hvı sı paə kvlı pa təə.

¹⁸ Mvpyə pa kpa tillaa na pá təkı-weyε timpı pa təkəyi samaa təna tə. ¹⁹ Ama Tacaa ısətəa tillu nəγəlv kəma ahoo taa na í tvlı saləka nənəsı, na í ləsı tillaa. İlena í heeli-wε sı: ²⁰ İ polo İsə təsεεle taa təkəa na í kεεsı samaa ke layasvıyυ mpaav kvne kv təm.

²¹ Mvpyə tillaa lapə nti ısətəa tillu heela-wε tə. Pa kvla tanəŋ ahula tεε na pá polo İsə təsεεle taa na pá niki waasv lapv.

Tənaγa kvtlv səsə na ı kıŋ cayalaa təna pa kota Yuta Kotuyυ səsəv nyəma. İlena pá tılı sı pá ləsı tillaa ke saləka taa na pá kəna. ²² Waatv wei filisinaa ná tala saləka taa tə, pa ta mayana-wε. İlena pεle pa məlı kpakpaə na pá heeli hvvlε səsaa mpe sı: ²³ Tə talaa na tə mayana saləka nənəsı kaləsa mpv təkəŋkəŋ, na tanlaa náá səŋa pa təsəŋlənəa ke nənəsı təna. Ama tə tvla nənəsı, ilε nəγəlv fεı pə taa.

²⁴ İsə təsεεle tanlaa nyvıyυ tv na kvələa səsaa pa nu mpv, ilena tillaa məkvyυ mpı pə tv-weyε piti ke teu. Haləna pa ta nyı mpı təm tənε tii tənə tə. ²⁵ Tənaγa nəγəlv ná lu yem na í heeli-wε sı: İ nawaə, mpa inı í

ka tu saləka tə, pa wenna nteye Iso təseele səsəle taa na pá laki yəlaa ke waasu.

²⁶ Ḿpóyó taŋlaa nyuyv tu inu na i yəlaa pa polaa na pá kəna tillaa təhe. Pə taɣa pulv tə, paa wena yəlaa səɣəntv si pá taa kə pá yoo mpeɣe pe.

²⁷ Taŋlaa nyuyv tu tana tillaa, ɫena pá səŋsi-wɛɣe təhuvle taa, na kətulv səsə suv-wɛɣe təm pəssuyv.

²⁸ Tənaɣa i təma-wɛ si: Isu tə kisina-me təsaɣasaɣa si í taa tasa apalv inu i təm ke yəɣətvuyv ya? Na pepeyele í lapa isəntə? I yasa mə seɣesuyv nté Yosalem icate təna təmam, na í caa í məŋna i səm təm nté ta nyəŋ taa.

²⁹ Ntəna Piyee na tillaa ləlaa pa cə kətulv səsə si: Pə wɛɛ si Iso ké tə se, pə taɣa yəlaa. ³⁰ Ta caanaa caanaa Iso feesa Yesu wei inu mə kama tesika tə na í sí tə. ³¹ Iso kusa i nyuyv na í caɣasi-i i kəŋkəŋ taa, na í lapv-i wulav na waasulv səsə, si pə la na lɛɣɛli nyəma laɣasi təntə na Iso husi pa isayətv. ³² Tə ké pə təna mpi pə lapa mpv tə pə aseeta nyəma. Pə taɣa tá tike. Ama tá na Feesuyv Nanjtv wei Iso ha mpa mpa pa nukəna-i təɣə.

³³ Kotuyv səsəv kotilaa mpe pa nu mpv, ɫena pa pááná huu səsəm, haləna pa caakaya pa kv tillaa səsaa. ³⁴ Ama pa taa ka wɛ Falisa nəɣəlv wei pa yaa si Kamaliyee tə, i ké pa Iso Təm seɣesəlv səsə, na yəlaa seekaya-i. Ḿpóyó i kulaa na í səŋ huvle taa, na í tə si pá ləsi tillaa na awalv tə na pəcə. ³⁵ ɫena í heeli kotilaa si: lɛɣɛli nyəma mə, í la laakalı na mpi í caa í la yəlaa panə tə. ³⁶ Matəŋ wulənaa taa ké Teutası kulaa na í nyəni i ti isu yulv nəɣəlv, na yəlaa isu nasəle (400) təŋ i waalı. Ḿpóyó pa kv-i, na mpa pele pa təŋaya i waalı tə pá ya ŋkəŋka, na pə təna pə saalı yem. ³⁷ ɫé i waalı ké

Kalilee tu Yutaasi ná kula kúkaluyv waatu, na í tən̄si yəlaa kupiŋ ke ɪ waali. Ama pa ku ílé tətə, na pə yaɪ pa tən̄a mpa pa tən̄aya-ɪ tə. ³⁸ Pə təw kə pənente ma heeliyi-me si, í taa paasəna yəlaa panɛ inɪ pa təm tətə. ɪ yele-we na pá tɛɛ. Pə taɣa pulv təw, ye yəlaa kiŋ ke pa kookali na pa təma lunaa, pu saali ké. ³⁹ Ama ye tampana Iɔ kiŋ ke pə lunaa, í kaa pəsi na í la-weɣe pulv. ɪ la laakali, pə taa kəw na í yoonə Iɔ.

Mrúyú kotilaa mu Kamaliyee təm. ⁴⁰ Uena pá yaa tillaa na pá həkɪ-we, na pá heeli-we si: Yesu təm í taa tasa mə nəəsi taa ké luu. Uena pá yele-we si pá tɛɛ. ⁴¹ Mrúyú tillaa lu kotuyv taa na laŋhulvmlɛ kuyv-we ɪsu Iɔ tən̄a-we na í yele na pá ná konyəŋ ke Yesu təw tə. ⁴² Paa ifemle nte, pa ta hɛɛsi Yesu wei ɪ kə Mesii tə ɪ Laapaali Kupaŋ heeluyv, na waasu lapv ke tɛɛsi taa na Iɔ təsɛɛɛ taa.

6

Yəlaa naatosompəɣəlaya ləsvyv

¹ Waatu inɪ ɪ taa Tacaə tən̄laə tən̄na səsuyv. Mrúyú pə lapa təmaɣa ke Yuta nyəma mpa pa yəɣətaya Kələeki təm tə na tətə Yuta nyəma pa həkɪ, si tətə Yuta nyəma u paasəɣəna mpe pa leela ke teu ke paa ifemle nte tə təɣən̄aya taluyv taa. ² Tən̄aya tillaa naanvwa na naale inɪ ɪ kota Tacaə tən̄laə kpekəle tən̄a na pá tə-we si: Pə ta mən̄a si tə yele Iɔ Təm paasənav na tə laki kotəɣəŋ təm. ³ Pə təw tə, apalaa me, í nyən̄i na í ləsi mə taa kə yəlaa naatosompəɣəlaya, mpa yəlaa sama na Feesuyv Naŋŋtu toŋ təw pa kiŋ na pá wena ləmaɣasɛɛ ke səsəm tə, na tə tu-weɣe təmle tən̄e. ⁴ Ue saa inɪ taa hiki cəɣale na tə paasəɣəna Iɔ sələmvuyv na waasu lapv ke tam.

⁵ Μπόγύ pa kpekəle təna lanjle heena təm nti, ilena pá læsi Itiyeeni. Yulu inu i tisa i yun ke Iso təw ké teu, na Feesuyu Nəhətu tonj təw i kin. Pa læsa tətəwə Filipu, na Pələkulu, na Nikanəw, na Timəh, na Paləmenasi, na Antiyəka Nikolaa, wei i ka suu Yuta nyəma mpaav taa ké kusuu ke hatoo lanj tə. ⁶ Ilena pá pona-weyə tillaa kin, na pele pá sələməna-weyə Iso na pá tən pa təw ké ni.

⁷ Μπόγύ Iso Təm tənna yekuyə na tə puki, na Tacaə tənjlə nyəwə tənna səwsuyə ke səwəm ke Yosalem taa. Haləna kətəlaə payav tisi na pá mu Yesu təm ke teu.

Itiyeeni kpaav

⁸ Iso we Itiyeeni waali na í hikiyi toma ke səwəm, na í laki piti təma na Iso kəkələ nyəm ke yəlaə heku taa. ⁹ Μπόγύ Yuta nyəma təkotile nte pa yaa si Yomaə Kuhetaə təkotile tə, tə taa yəlaə napəli mpa pa ké Silēni na Alekəsantilii nyəma tə, pá na Silisii na Asii tətə pə Yuta nyəma napəli pa kula Itiyeeni təw, na pá na-i pá suu təm həm taa. ¹⁰ Ama Itiyeeni kələ-we na təm. Pə taɣa pulə, Feesuyu Nəhətu hana-i ləmayasəe na í yəwətəwəna. ¹¹ Μπόγύ yəlaə mpe pa ha yəlaə ke liyitee si pá yəwəti si: Tə nuwa i sayata Moisi na Iso. ¹² Na pa səsa yəlaə na nyuyə nyəma na Iso təm seɣesəlaə səsaə, na pele pá kuli Itiyeeni təw, na pá kra-i na pá pona-i təhvuə səwəle taa. ¹³ Μπόγύ pa caə yəlaə napəli si pele pá suu Itiyeeni ke təm si: Apalu inə i sayatəyi tá Iso təsəele səwəle kupante tənə na Iso Təm ke tam ké. ¹⁴ Halə tə nu i yəwətaə si: Nasaletə Yesu inu i ká yəki tá Iso təsəele səwəle tənə, na í layasi kətasi nsi Moisi naə hula-tu tə.

¹⁵ Μπόγύ təhvuə taa cayalaa tənə pama Itiyeeni təw ké isə, na pá ná si i isəntaa mu isətaə tillu wəətu.

7

Itiyeeni WaaSu

¹ Tənaɣa kətɔlv səsə pəəsə Itiyeeni si: Tampana pə lapa mpv? ² Ḿpógú Itiyeeni cəwa si: Ma tɛɛtvnaa na ma caanaa me, í tv ŋkpaŋŋ na í nu. Teeli Isə lu ta caanaa caanaa caa səsə Apələham təw ḱe ɪ ka wev Mesopotami na pə́cɔ́ í kuləɣi na í puki Halan ke cayav tə. ³ Na í təmi-ɪ si: Kvlɪ na ŋ yelev nyá tɛtv na nyá nyéma. Maa huli-ŋ tɛtv nti tə taa n ká polo ŋ caya tə. ⁴ Ḿpógú Apələham kvlə Kaləttee tɛtv taa na í polo í caya Halan. Apələham caa səpa, ilena Isə ləsi-ɪ Halan təna na í kəna-ɪ timpɪ mə we kayana isəntə tə. ⁵ Isə tá ha-ɪ tɛtv nti tə taa ḱe pulv mayamaya. Paa tɛeliya si í sopi sopuyv mayamaya. Ama Isə təma-ɪ kətəm ḱe si ɪ ká ha-ɪ tɛtv nti. ɪ mayamaya ɪ piya ká tɛna na pá ti-ti tətəɣə ɪ səm waali. Pə́cɔ́ waatv inɪ Apələham feina pəyaya. ⁶ Ile nti Isə heela-ɪ təɣəle si: Nyá piya ká caya cayalətv ke lelaa tɛtv taa, na pɛle paa la-weɣe yomaa. Paa tv-weɣe wahala ke pusɪ nasəle (400) təcu ḱe təna. ⁷ Ama Isə təma si ɪ ká pəəsi piitim mpi pi tv-weɣe yomle ke mpv tə. Pəle pə waali ile paa lu təna na pá kəw tɛtv təne inɪ tə taa na pá paasəna Isə sɛev. ⁸ Ḿpógú Isə lapa na pɛlvɣv pəsi Apələham ke kətaya ŋka kaa təsəɣi-ɪ nti í na Isə paa yəɣətəa na pá su tə. Pə təw ḱe Apələham kəma í luli Isaaka tə, ɪ pɛla-ɪ ɪ kvyeɛŋ pələfei naanəwa wule. Ilena Isaaka náá pɛli ḿpógú Yakərv, na Yakərv ná pɛla ḿpógú ɪ piya naanəwa na naale mpa pa ke ta kpeka caanaa caanaa səsaa tə. ⁹ Ta caanaa caanaa mpe pa lapa Yosɛfv ke isəsɛmle na pá pɛɛti-ɪ, na pá pona-ɪ Icipiti ke yomle. Ama Isə ka we Yosɛfv waali, ¹⁰ na í yapa-ɪ ɪ wahalanəa təna taa. Pə kəma na Yosɛfv tala Icipiti

wulav səsə kinj tə, Isə lapa na wulav lanje heena ı yaasi na ı layatv. Haləna Icipiti wulav nana-ı kufəneε kpaυ, sı ı nyənəyi Icipiti tetv təna na ı mayamaya ı təyaya pə tə. ¹¹ M̄p̄ȳȳ nyəȳsı anaam lu Icipiti na Kanaaj pə tetv təna taa. Pu hanja teu kέ təkəjkəj haləna ta caanaa caanaa mpe p̄a p̄εki mpi paa təyə tə na p̄a kpisi. ¹² Pə kəma na Yakərv nu sı təyənaya p̄ee wε Icipiti, ılena ı kvsı t̄a caanaa caanaa mpeye təm kancaalaya nyəm na ı tili. ¹³ Pa kəma na p̄a m̄əli təm naale nyəm, ılena Yosεfv l̄a na ı taalvnaa nyəmı-ı. Na pə lapa tətə na Icipiti wulav səsə mayamaya n̄a cəkəna ı piitim. ¹⁴ M̄p̄ȳȳ Yosεfv tila ı caa Yakərv na ı nyéma təna waalı na p̄a kə. Pa wε yvlonyəj nutoso na naanvwa na kakpası. ¹⁵ M̄p̄v pə lapəna Yakərv nana Icipiti p̄ote, na ı can ı sı təna. Ta caanaa caanaa n̄a səpa təna tətə. ¹⁶ Pa kpaκαyaa-wεye na p̄a m̄əlyəna Sikem, na p̄a piη-wεye p̄əlaav ηku Apələham ka yapa Heməə nyéma kinj na liyitee tə kv taa.

¹⁷ Pə kəma na p̄ə tala nti Isə ka təma sı ı k̄a la Apələham tə tə lapv tə, t̄a piitim nyéma huk̄a səsəm, pa payav ke Icipiti wε səyəntv. ¹⁸ M̄p̄ȳȳ wulav səsə kvfalv nəȳlv n̄a cayaa, ılé ı taa nyı Yosεfv. ¹⁹ Wulav ıni ı lapa t̄a piitim ke acilayatv. ı tv ta caanaa caanaa ke wahala ke teu na kvcaalv̄ȳv, sı p̄a lə pa ahvlv̄mnaa na p̄a sı. ²⁰ Waatv ıni ı taa kέ pa lula Moisi. ı ka kέ p̄əyaya kupaηka ηka ka te Isə kέ teu tə. M̄p̄ȳȳ Moisi nyéma tə-ı ı sət̄vnaa tooso kέ pa tε. ²¹ Pə kəma na p̄a lə-ı tə, Icipiti wulav səsə p̄εlv hiina-ı na ı t̄əki-ı ısu ı mayamaya ı kvlv̄lv. ²² M̄p̄v pə lapəna Moisi nyém̄a Icipiti nyéma nyəm təna. Haləna ı l̄a yvlv wei ı yəȳota nti tu hotiyi ate tə, na ı p̄əsa təma.

23 Pə kəma na Moisi pusi tala nule, ilena í huɔ si ɪ ká polo na í wiili ɪ lseyeli nyóma lelɛa. 24 Moisi polaa ilena í mayana Icipiti tu nəɣɔlv í laki pa taa nəɣɔlvɔv mʊsɔŋ. Ilena í mu wei pa laki m̀p̀yó mʊsɔŋ tɔ ɪ tɔm na í suna ɪ ti, na í lɛɛti Icipiti tu, na í caŋ í kv-ɪ. 25 Moisi ka nyəmaɣa si ɪ lseyeli nyóma ká nyi si inəɣi lɔ lɔsaa si í waasi-we. Ama peɛ pa ta nyi mpv. 26 Kv fema ilena í mayana lseyeli nyóma naale na pá makɪ, ilena í polo pa loluyu. Na í tɔ-we si: Apalaa mɛ, mə kulɔm ké, lɛ pepe tɔɔ ké í laki təmaɣa mʊsɔŋ? 27 Ama mʊsɔŋtu wei ɪ lakaya ɪ tɔɣəntəɛ kɛ mʊsɔŋ tɔ ɪ nyasa-ɪ tɔm si: Ma na-ŋ, tá wulav na tá tɔm huɔlv. 28 Tete n tɛma Icipiti tu kɛ kvɔv tɔɣəɛ saŋa n nyəma si n ká tɛɛsi ma na? 29 Moisi nu mpv, ilena ɪ se kpakpaa na í polo í caɣa Matiyəŋ tɛtu taa. Matiyəŋ tənaya ɪ lola apalɔ piya naale.

30 Pə kəma na pusi nule cɔɔ, lɛ kvɔyaku nakulɪ ɪ wɛ wɔlaya tɛtu taa ké puyv Sinayi kin. M̀p̀yó hotiya nakəli ka sɔv kəkɔ mʊɣv, ilena ɪsɔtaa tillu lu ɪ tɔɔ ké hotiya ŋkɛ ka kəkɔ taa. 31 Moisi nawa mpv, ilena pə lapɪ-ɪ piti. Tənaya ɪ tuusaa si ɪ wiiliyi teu, ilena í nu Tacaa nəɣɔ si: 32 Maɣalɛ nyá caanaa caanaa lɔ, Apəlaham na lsaaka na Yakərv pa lɔ. Tənaya sɔɣəntv kpa Moisi kɛ sɔsɔm na í seliyi, haləna í kpisi nyənuɣv. 33 Ilena Tacaa tɔ Moisi si: Wəɣəsi nyá ntaŋkpala, timpɪ taa n səŋa mpv tɔ pə ké tɛtu katɛ nyəntv ké. 34 Ma nawa ma yəlaa mpa pa wɛ Icipiti tɔ pa wahala, ma nu pa wula. Ilena má tii si ma yakɪ-wɛ. Tɔv, kulɪ, ma tiliyi-ŋ Icipiti.

35 Moisi wei inɪ ɪ tɔm lseyeli nyóma ka kisaa təkpatəkpata na pá tɔmɪ-ɪ si: Tə na-ŋ, tá wulav na tá tɔm huɔlv tɔ, kulɔm inəɣi lɔ tayaana kvɔsvɔv na í tili pa

kiŋ, si í la pa wulav na í waasi-wε na isətaa tillu wei
 ı ka lu ı təə ké hotiya kiŋ tə ı tonŋ taa. ³⁶ Inı ı lapəna
 piti təma na Isə kəkələ nyəm na í ləsi-wεye Icipiti tetv
 taa. I lapa mpv tətəγə səsəncaası tenku taa na wulaya
 tetv taa, halı pusi nule. ³⁷ Moisi inı ı heelina Iseyeli
 nyəma si: Isə ká kəna-mεye Isə kuyəγətutu teləsulv
 nəγəlv wei ı wε isu má, na ı ká wεε mə mayamaɣa mə
 piitim tv tə. ³⁸ Kulvm inı ı ka wenna Iseyeli nyəma
 mpa paa kota wulaya tetv taa tə pa kiŋ. I na isətaa
 tillu wei ı ka yəγətəna-ı puyv Sinayi təə tə pa wenna
 tá caanaa caanaa kiŋ ke tənε inı. Moisi inı ı mvna Isə
 Təm nti tə lakı təmlε ke səsəm tə si ı teləsəyi-tv.

³⁹ Ama tá caanaa caanaa ta nuna-ı. Pa kisa-ı na pá
 kpaɣa pa laakalənaa na pá məŋna Icipiti. ⁴⁰ Haləna
 pá yəγəti Aləŋ si: Lu-tuyv tuyv na tə nyənəyi-ku. Pə
 taya pulv, tə ta nyı mpi tá Icipiti taa ləsəlv Moisi
 təmnaa tə. ⁴¹ Ḿpúyú pa lupa naule na pá pəsi-teye pa
 tuyv na pá laa-tε. Haləna pá yəələna pa niŋ kulupum
 mpəyi teu. ⁴² Ḿpúyú Isə lapa-wεye awusa na í ye-
 wε si pá nyənəyi isətvlnɣasi ke pa tuŋ, isu paa ŋmaav
 Isə kuyəγətutu teləsəlaa takəlası taa tə si:

Iseyeli nyəma mε,
 maya í lapa kətasi na í fεenı
 wulaya tetv taa ké pusi nule taa?

⁴³ Aai, tuyv Moləki cokəle na mə tuyv
 Lefan isətvlnɣa lεεsvyv ke
 í kpaɣaa na í paasəyəna.
 I tənaya mpv, pə taya wei í lupa si
 í təŋəyi təyələ?

Pə təə ké maa yelev na pá pona-mεye Papiloni,
 haləna í tεε pə waalı.

44 Wulaya tetv taa tənə inı tá caanaa caanaa ka wena cokəle, na tə taa na seliya kpraatanaa. Paa sika-teye teitei ké isu Iso ka heeluyu Moisi tō. Teitei isu nte tə taka Moisi ka nawa tō. 45 Tá caanaa caanaa cela-teye pele pa waalı nyóma. Ilena pele pá krenna-teye timpı Yosuwee tee-weye nəyo na Iso yası piitimnaa ke pa isentaa na pá tayo tetv tō. Na tó wee tənaya mpv, haləna Tafiiti waatu. 46 Iso lanle heena-ı teu, ilena Tafiiti náá sələmi-ı nəyo, sı ı lakı inı wei ı ké Yakərv Iso tayo təcayalə. 47 Pə na pə mpv tō, Salvməŋ ŋmana-ı kutuluyu ŋkv.

48 Ama pə taya isətaa Iso Səsə inı ı cakı kutulun wei yəlaa niŋ ŋmawa tō ı taa se. Halı Iso kvyəyətutu teləsulb mayamaya yəyətə mpv sı:

49 Tacaə yəyətəə sı:

Isətənyv nte ma kumte.

Ateyele ma nəəheə təsule.

Ile kutuluyu ŋku kv taka ké í pəsəyi na í ŋma-m?

Na leyele ma təheəsələ?

50 Pə taya má lapəna pə tənaya mpv na ma niŋ?

51 Təv, yəlaa mpa me í tema keeluyu tō, mə lanə lapa kpusəŋ na mə ŋkraŋŋ teli na í kisi Iso Təm. ı kpeesəyəna Feesuyu Naŋŋtv ke tam, mə caanaa katə ke í kpaɣaa. 52 Mə caanaa naasa Iso kvyəyətutu teləsəlaa mpe pa təna na pá səə kulvm ke? Pa kv mpa pa heelaya sı tampana təŋlv inı ı ká kəə tō. Kulvm inəyələ mə lapa kələmətə ke nəəənəə na í kv. 53 Halı meye isətaa tillaa teləsa Iso kvsəsutv. Pəyele u caakı tə təkvyv.

Itiyəni səm

54 Yuta nyóma nu mpv, ilena pááná huu pa taa, na pá sala pa niŋ ke Itiyəni təə na pá taŋaa. 55 Mıpúyú

Feesuyu Nanηtu toma koləna Itiyeeni ke teu. Ilena í teki í ise na isə na í na Isə teu səsəəm na Yesu səha í ntəyən tə. ⁵⁶ Tənaɣa í təma si: I naa, isətənyu tulaa, na má naa Yulu Pəyaya na ká səha Isə ntəyən tə.

⁵⁷ Ḿpúyú Yuta nyəma mapa kapusi ke teu, na pá təkí pa ηkraηη na pá huli Itiyeeni. ⁵⁸ Na pá tuli-í na pá luna ícate waali, na pá suu-í pεε yaɣav si pá kv-í. Mpa paa ké pə aseeta nyəma tə, pεle pa suna ifepu wei pa yaa si Səəli təyə pa wontu. ⁵⁹ Pə təηna Itiyeeni ke pεε yaɣav, ilena í sələmi si: Tacaα Yesu kelim. ⁶⁰ Ilena í lunη akula na í yəyətəna nəyə səsəəηka si: Tacaα, taa nyəni pa isayatu tənε. Itiyeeni yəyətə mpu, ilena í hεε.

8

¹ Səəli lanje ka hεena Itiyeeni kuyv.

Wahala yasa Yesu seelaa kpekəle

Kuyaku ηkv kv maɣamaɣa ke pa suu Yosalem Yesu seelaa kpekəle ke kunyən tuyv ke teu. Ilena pa təna pá ya Yuta na Samalii taa, na pə yelee tillaa tike. ² Ḿpúyú yəlaa mpa pa təηəyi Isə mpaav ke teu tə pa pima Itiyeeni, na pá wii-í səsəm.

³ Ama pə yela Səəli ílé tə, Yesu seelaa ke í təηna luyv si í laki sakasaka. Tεεsi taa ké í suvkaɣa na í kpaaki apalaa na alaa na í təkəyi.

Filipu kpaaləyi Laapaali Kupaη ke Samalii

⁴ Mpa mpa pa ya mpu tə pa cəkaya paa le na pá heeliyi Isə Təm Laapaali Kupaη. ⁵ Samalii ícate ke Filipu ná polaa na í heeliyi təna nyəma ke Mesii təm. ⁶ Piti təma nna Filipu lakaya tə samaa nu a təm na pá nana pa íse. Pə təə ké waatu wei í yəyətəyi, pa təna təpai pa tuyi ηkraηuyv ke teu. ⁷ Pə taya pulv, aləyaa

kiisaya na pá seeki aləyəhilaa paɣale kin na acaɱaa na kaakalasɪ paɣale hika alaafəya. ⁸ M̄p̄yú yəlaa laŋa hɔlɔma katatəlaya, haləna pə la ɪcate nteye yun.

⁹ Apalɔ nəyɔlɔ naa we ɪcate ńté tə taa ké hatoo ləŋ, pa yaaki-ɪ sɪ Siməŋ. Apalɔ unɪ ɪ lakaya topotopo təma ké, na pə lakɪ Samalii nyəma tənaya piti. ɪ nyənaya ɪ təyi səsə ké pə tii fei. ¹⁰ Pə kraɣav piya na pə polo səsaa tə pa təna pa wutaya-ɪ ké. Haləna yəlaa tənaya sɪ: Isə toma nna pa yaa toma səsəna tə a tɔ ntə.

¹¹ ɪlena pá wutiɣi Siməŋ unɪ ɪ waali. Pə taya pɔlɔ, ɪ topotopo təma ka tɛmna-weye piti lapɔ ke hatoo ləŋ. ¹² Ama Filipɔ kəma na í heeliɣi-weye Isə Kawulaya na Yesu Kilisiti pə Laapaali Kɔpaŋ tə pa mɔ Laapaali Kɔpaŋ inəɣi teu, haləna pá sə apalaa na alaa ke Isə lum. ¹³ Siməŋ ɪlé ɪ maɣamaya ɪ muwa na pá sə-ɪ Isə lum. ɪlena í sɔv Filipɔ ke tənuyɔ na ɪ nyənaya Isə kəkəlɔnaa səsaa na piti təma nna a lakaya tə na pə we-ɪ piti.

¹⁴ Tillaa mpa paa we Yosalem tə pa nuwa sɪ Samalii nyəma mɔ Isə Təm, ɪlena pá kusɪ Piyee na Yohaani na pá tili sɪ pá polo na pá ná. ¹⁵ Piyee pa tala təna, ɪlena pá sələməna Samalii nyəma mpeye Isə sɪ pá hiki Feesuyɔ Nanjtu. ¹⁶ Pə taya pɔlɔ, Taca Yesu hətɛ tike ke paa yaawa na pá sənə-weye Isə lum. ɪ Feesuyɔ Nanjtu ta tiita pa taa nəyɔlɔ ɪ tə. ¹⁷ Tənaya Piyee na Yohaani pa təna niŋ ke pa tə. ɪlena pá hiki Isə Feesuyɔ Nanjtu.

¹⁸ Waatu wei Siməŋ nawa sɪ tillaa tənə-weye niŋ na pá hiki Feesuyɔ Nanjtu tə, ɪ cɛla-weye liyitee, ¹⁹ na í tə sɪ: ɪ cɛle maya mpu unɪ pə lapɔ tətə, na má tənə wei ké niŋ, pɔntɔ hiki Feesuyɔ Nanjtu ke mpu.

20 Tənaɣa Piyee təma sɪ: Isəna mpi n huuu sɪ pa pəsəɣi pá ya Isə hate na liyitee tə, nyá na nyá liyitee í la yem. 21 N kaa na pulv cəcəka. Pəyele nyá paa mayamaya tu fei təne inɪ tə taa. Pə taya pulv, Isə isentaa nyá lotu ta te. 22 Ue lə nyá huwəe asayee anɪ, na ń wiina Tacaa na í huli-ŋ suulu na í taɣani-ŋ nyá huwəe asayee anɪ. 23 Pə taya mpv, ma naakuyv-ŋ tə, nyá na nyanj ké isu kakaya. Isayatu lapv təkəna-ŋ təkem.

24 Ḿpúyú Siməŋ cə-we sɪ: Mu wiina-m na Tacaa, na nti í yəɣota mpv tə tə taa natəli í taa la-m.

25 Tillaa mpe pa naale pa tema nti nti pa nawa təɣə keesuyv na waasu lapv. Uena pá kuli na pá məli Yosalem. Pa məlaya mpv tə, pa heelaya Laapaali Kupaŋ ke Samalii acaləe paɣalə taa ké na pá təŋna pote.

Filipv na Itiyopii tv pa təm

26 Tacaa isətaa tillu nəɣəlv heela Filipv sɪ: Kuli na ń təŋ ilim mpətəŋ tə, na ń katɪ hapələ nte tə luki Yosalem na tə puki Kasa tə. Wulaya tetv taa ké hapələ ńtə tə faɣanaa.

27 Ḿpúyú Filipv kulaa na í tv mpaav. I təŋna pote, ue ɪ nawa yulv nəɣəlvuyə. Sese Itiyopii yulv katanja nté. Inɪ ɪ ka kəna Itiyopii wulav səsə alv nyəŋ wei pa yaa sɪ Kantasi tə ɪ akewe səsə, wei ɪ nyənaya ɪ kpancoou təna tə tə. Apalv inɪ ɪ ka luna Yosalem kələ Isə seev. 28 I caya ɪ keeke taa, na í kaləyi Isə kuyəɣətv teləsulv Isayii takəlaya taa na í təŋna kpente. 29 Tənaɣa Feesuyv Nanjtv heela Filipv sɪ: Tə na ń kpətəna keeke inɪ.

30 Μρύγύ Filipu kpaɣa asewa na í tala ι kin, na í nu ι tɔɲa Iɔ kuyɔɔtutu teləsulu Isayii takəlaya taa ké kalɔyɔ. Uena í pɔɔsi-ι si: N cekəna nti n kaləyi tɔyɔle?

31 Μρύγύ yulu katanɔa cɔ Filipu si: Ye nɔyɔlu ta seɣesi-m, isənaya maɔ la na má cekəna?

Uena yulu katanɔa tɔ Filipu si: Kra na ń caya ma kin.

32 Təm nti ι kalaya takəlaya ɲke ka taa tɔyɔle si:

Pa tɛɛna-ι isu pa tɛekuyuna

heu ke nampɔatəle tɔ.

I lapaya isu iwəyaya ɲka

ka hɔntu pa kɔɔki na ká suma tɔ.

I suma ńpύγύ ι ta cɔ natəli.

33 Pa tu-ι taɔləm na pá ku ι təm ke pətɔɔtəle ke yem.

Awe ká pəsi na í keesi ι piitim təm?

Pa tama ι weesuɣu tomlə ke atɛ cəne.

34 Tənaya akewe inι ι təma Filipu si: La suulu na ń heeli-m, awe təm ke Iɔ kuyɔɔtutu teləsulu keesəyi mpυ? I maɣamaɣa ι təm yaa nɔyɔlu nyəntu?

35 Uena Filipu suv yɔɔtuyɔ, na í kpaɣa təm nti inι apalu inι ι kalaya mpυ tɔ, na ι seɣesəna-ι Yesu Laapaali Kupaɲ.

36 Pa tɔɲna təntɛ ke mpυ, uena pá tala tiili isəntɔ, lum ka we tənaya. Μρύγύ akewe inι ι təma si: Nyəni lum yee, n kaa sɔ-m Iɔ lum ke cəneye kpaakraa? Yaa pə kaasa-m pυlu?

[37 Uena Filipu cɔ yulu katanɔa si: Ye n tɛma nyá taa təkpaata te, má sɔɔ-ɲ ké.]

Μρύγύ yulu katanɔa cɔwa si: Ma tɛma ma taa si Yesu Kilisiti ké Iɔ Pəyaya ké.]

38 Tənaya yulu katanɔa səɲsa keeke na Filipu na akewe inι pá tii pa naɔleye lum taa, na Filipu sɔ-ι Iɔ lum. 39 Pa luna lum taa, uena Tacaɔ Feesuɣu keli Filipu, akewe inι ι ta tasa-ι keesuɣu. Μρύγύ ι tu ι

mpaav na lanhulubmle kuyi-i. ⁴⁰ Ama Filipu ná tuta
 i təyi Asoto, na í lakí waasv ke acalēē nna nna a taa i
 təhnaa tə, haləna í tala Sesalee.

9

Səəli Layasvuy

(Tillaa Təmle 22:6-16; 26:12-18)

¹ Ama Səəli ná təhna Tacaa təhlaa kuyv kpeesoyv na
 isəle kuvseemle. M̄p̄ȳḡ i kulaa na í polo kətulv səsə kin,
² na í sələmi-i si: La-m takələya, na má pola Tamasi,
 na má mayana Yuta nyéma təkotilenaa taa ké mpa pa
 təhəyi Tacaa mpaav tə, paa apalaa paa alaa, ma kra-
 we na má həkə na má pona Yosalem.

³ Waatv wei Səəli we mpaav taa na í kpətəna
 Tamasi, ilə pə lina isə kele na pə la i isentəə tənyalulu
 isu kəkə ke təm kuləm təə na pə ná na pə cəəna-i.

⁴ M̄p̄ȳḡ i hota ate na í nu pə pəəsəyi-i si: Səəli Səəli
 pepe təə ké n təyv-m konyəh ke mpv?

⁵ Təhaya Səəli pəəsaa si: Tacaa nyaya aweye ye?

Iləna pə cə Səəli si: Maya Yesu wei n tuyi konyəh
 tə. ⁶ Kuli na í polo icate taa, paa heeli-η nti n ka la tə.

⁷ M̄p̄ȳḡ pə tənmsa mpa pa təhaya Səəli tə na pá
 səha yem. Pa nukaya pə yəgətəyi, ama paa naaki
 nəgəlv. ⁸ Təhaya səəli kula ate na í nyənəyi yem u
 naaki. Iləna pá təkí i nin taa na pá həmi-i na pá pona
 Tamasi. ⁹ Na í caya kuyeyē toosofo yulubmle tēē, i ta
 təgə, i ta nyəə.

¹⁰ Tacaa təhlv nəgəlv i ka we Tamasi na pá yaa-i si
 Ananiyasi. M̄p̄ȳḡ pə lapa-i isu toosee taka, na í ná
 Tacaa, na ílé i yaa-i si: Ananiyasi.

Na í tisi si: Tacaa mayalə.

11 Ӏlena Tacaa təmı-ı sı: Kuli təwaka na ń təŋ hapəle nte pa yaa sı Kusiyisile tə, na ń suv Yutaası təyaya, na ń pəəsi Taası ıcate apalv wei pa yaa sı Səəli tə ı təə. ı we təna na í təŋna İso sələmuyv. 12 Pə lapa-ı ısu toosee taka, na í ná nyá wei pa yaa sı Ananiyası tə, na ń suv sı n tənəyi-ı niŋ na ı ıse kuli.

13 Mıpúyó Ananiyası təma sı: Tacaa, ma nu təŋlaa paɣale kiŋ ke apalv ıne ı təm, na ı ısayatv nti tə təna ı lapa nyá yəlaa ke Yosalem tə pə təm tətə. 14 Kətəlaa səsaa ha-ı nəyɔ sı í kəə cənə tətə na í həkə mpa pa təkə nyá təm tə.

15 Tənaya Tacaa cə Ananiyası sı: Polo, ma ləsa apalv ıneyi sı ma laki-ı na í heeliyi ma təm ke pi-itimnaa na awulaa səsaa na İseyeli nyəma. 16 Ma mayamaya maa huləna-ı kunyəməŋ wei ı ká təyɔ ma nyuyv təə tə.

17 Mıpúyó Ananiyası təewa. ı kəma ı tala təyaya ŋke ka taa, ılena í təmı ı niŋ ke Səəli təə na í təmı-ı sı: Ma taapalv Səəli, Tacaa Yesu wei n kəŋaya na ń ná mpaav taa tə, ıni ı tilina-m sı nyá ıse í kuli na Feesuyu Nanjtv toma haya nyá taa ké səsəm.

18 Mıpúyó pəlvəpənaa ısu hutu taka kəəla Səəli ısentəə ké kpakpaa na pə hoti ate na í suv nav. Ӏlena í kuli na pá sə-ı İso lvm. 19 Na í təyɔ kutəyɔv na í hiki toma.

Səəli laki waasv ke Taması

Səəli caya Tacaa təŋlaa mpa pa we Taması tə pa cələyɔ weə naale. 20 Mıpúyó Səəli suv waasv lapv taa ké kpakpaa ke Yuta nyəma təkotilenaa taa. ı heelaya təfoo ké sı Yesu kele İso Pəyalv. 21 Na pa təna mpa pa nu ı waasv ıni tə, piti kpa-we na pá təŋ sı: Pə taya ıni ı ka səsəna ıəle na mpa pa təkə Yesu təm tənəye

Yosalem təğə kunyəŋ tuğv? İsu ı ka kəma cəne sı ı kpaaw-e na í həkə na í pona kətəlaa səsaa ya?

²² Paa na mpv Səəli ná təŋna waasv lapv na ı toŋ səsəŋı tam na pə puki. ı hvlayaa Taması Yuta nyəma sı Yesu kəle Mesii. İlena pə məli pələŋe liğituğv, paa nyəŋ nti pə cə-ı tə.

²³ Wεε lapa naale, İlena Yuta nyəma caya na pə tayanı sı pə kv-ı. ²⁴ Ama Səəli nu nti pa həkəa na pə su tə. Na ıcate kolunja nənəəsı taŋa ilim na ahoο sı pə hiki-ı na pə kv-ı. ²⁵ M'p'uy' ahoο naalı Səəli ıfalaa tv-ı sətək'v səsəəv taa na pə tisi-ı na ıcate kolunja na í tεε.

PHIPILI USO TOM TAKELAYA
Portions of the Holy Bible in the Lokpa language of
Benin

copyright © 1999 SIM

Language: Lokpa (Lukpa)

Translation by: SIM

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2017-10-16

PDF generated using Haiola and XeLaTeX on 11 Nov 2022 from source files dated 9 Oct 2020

ef14191a-91f7-51c1-ac89-7b93dd7c4377